

人物志節

武進陽湖縣志

二十四

蔣光斗

贊

平

贊

PDG

人物

忠節

漢

彭脩字子陽毘陵人父爲郡吏得休與脩俱歸道爲盜所劫脩年十五拔佩刀前持盜帥曰父辱子死卿等顧不畏死耶盜相謂曰童子義士不宜逼之遂解去後仕郡爲功曹時西部都尉宰鼂行太守事以微過收吳縣獄吏將殺之主簿鍾離意諫甚力鼂怒收意掾史莫敢諫脩排閤直入謂鼂曰明府發雷霆於主簿請聞其過鼂曰受教三日初不奉行廢命不忠豈非過乎脩因拜曰昔任

座面折文侯朱雲攀毀欄檻自非賢君焉得忠臣今慶明府爲賢
君主簿爲忠臣也鼂乃原意并貲獄吏後州辟從事賊張子林等
作亂郡言州請脩守吳令脩與太守俱出討賊賊飛矢雨集脩障
捍太守爲流矢所中死太守得全賊素聞其恩信卽殺弩中脩者
餘悉降散曰自爲彭君故降非爲太守服也

宋

蒯恩字道恩蘭陵承人武帝征孫恩縣差恩伐馬芻每舍芻於地
嘆曰大丈夫挽三石弓奈何充馬士帝聞之給鎧仗從征常爲先
登凡百餘戰身被重創以功封新甯縣男後遣入關迎桂陽公義

眞沒於赫連勃勃

蕭懿字元達梁武帝長兄也永明末爲梁南秦二州刺史魏圍南鄭懿拒擊乃解圍又取魏六戍魏人震恐永元三年爲豫州刺史聞崔景慧圍臺城方食投箸而起率銳卒入援武帝時在雍州遣人說懿誅賊之後仍勒兵入宮行伊霍故事不則便還歷陽託以外拒爲事不然必生後悔懿不從竟斬景慧授中書令都督征討水陸諸軍事時東昏肆虐茹法珍等執政憚懿勲高說東昏除之長史徐曜甫密具舟江渚勸令西奔懿曰古皆有死豈有叛走中書令耶尋與弟融俱賜死謂使者曰家弟在雍深爲朝廷憂之及武帝卽位封長沙郡王諡曰宣武

梁

蕭藻字靖藝懿子自遭家禍恒布衣蒲席不食鮮禽非公庭不聽
音樂天監元年封西昌侯爲益州刺史鄧元起在蜀自以宿將有
功聚歛山積有內藏外府之目藻擒斬之以外府賜將士內藏歸
王府一無私焉厯遷侍中中書令廉靜謙退賓客罕通侯景之亂
或勸藻奔江北藻曰吾國之台鉉不能剪除逆賊正當同死朝廷
耳不食卒

蕭大器字仁宗簡文嫡長子性寬和神器端凝簡文卽位立大器
爲太子侯景以其有器度恐後爲患遂害之大器在賊中未嘗屈
意而神貌怡然嘗曰賊若見害雖一日百拜無益於死何能以無

主上蒙塵何忍違離天下豈有無父之國哉便涕泗嗚咽刑人掩至大器方講老子神色不變徐曰久知此事嗟其晚耳承聖初追諡哀太子

蕭方等字實相元帝長子有俊才以母徐妃失寵不自安嘗著論以申志元帝遣詣建康會侯景反因啟曰申生不愛其死方等豈顧其生元帝省書歎息乃配步騎一萬使援臺城賊每來攻方等必身當矢石城陷歸荊州收集士馬甚得眾和復求征湘州死焉諡忠壯世子後改諡武烈

蕭確字仲正邵陵王綸子少驍勇有文才尤工楷隸除祕書丞武

帝謂曰爲汝能文故有此授初封正階侯徙封永安侯在第中習
騎射兵法人以爲狂確曰聽吾爲國家破賊鍾山之役確所向披
靡臨陣對敵意甚詳瞻帶甲據鞍朝夕馳驟不以爲勞諸將服其
壯勇及侯景乞盟憚確在外求召入確知此盟多貳城必陷不赴
父綸迫之確曰景不解長圍我入無益綸欲斬之確流涕入城景
果背盟城陷景愛其膂力令在左右綸遣典籤密導之出確謂曰
侯景輕佻可一夫力致確不惜死欲手刃之卿還啟家王願勿以
一子爲念後從景獵引弓將射景弦斷不得發賊覺殺之

蕭會理字長才少聰慧好文史年十五爲湖州刺史累遷都督南
兖州刺史太清二年侯景圍臺城會理入援未至成陷景以武帝

手敕召我臣子之心豈得違背且處江北功業難成不若身赴京
都圖之肘腋遂至都景以爲司空尙書令與西鄉侯歡等潛布腹
心結壯士時范陽祖皓據廣陵起義會理許爲內應事敗免官景
往晉熙都下虛弱復與北兗州司馬成欽謀曰湖熟有吾故舊三
千餘人昨來相知剋期響應賊守兵單吾爲內應取王偉事必有
成謀洩爲王偉所害

蕭諮字世恭恢子封武林侯歷衛尉卿簡文卽位後侯景周衛轉
嚴外人莫得見惟諮及王克殷不害並以文弱入侍講論六藝不
輟及南康王會理事敗克不害懼禍乃自疏諮不忍離帝朝覲無

絕賊惡之令人刺殺諮于廣莫門外

蕭嗣字長允容貌豐偉腰帶十圍性驍果有膽畧倜儻不護細行而能傾身養士得其死力侯景濟江範遣嗣入援連營渡淮據東城京都陷退還範以晉熙爲晉州遣嗣爲刺史範以憂憤薨嗣猶據晉熙城中食盡景遣將任約來攻嗣躬擐甲胄出壘拒之時賊勢方盛咸勸且止嗣按劍叱曰今日之戰正蕭嗣效命死節之秋也力戰流矢中頸不許拔帶箭手殺數人賊退方命拔之應時氣

絕

宋

李熙靖字子安晉陵人唐衛公德裕九世孫祖均父公弼皆舉進

坐削黜熙靖擢第又中詞學兼茂選爲辟雍錄太學正升博士以父老乞外除提舉淮東學事命下乃得河東而淮東乃臧祐之也蓋省吏納賄易之或使自言熙靖曰事君不擇地吾其可發人之私求曰便耶宰相聞而賢之留爲兵部員外郎遭父憂去還爲右司員外郎王黼以太宰領應奉司又方事燕雲立經撫房於中書獨專之它執政皆不得預熙靖與言曰應奉之職非宰相所當預尙書樞密皆有兵房足以治疆事經撫何爲黼不樂留滯累年都水丞失職移過於熙靖貶兩秩黼罷拜中書舍人蔡攸又惡之出知拱州兩月召還徽宗召對言燕山雖定宜益思患預防帝嘉之

靖康初改顯謨閣待制提舉醴泉觀及兩宮北狩金立張邦昌使直學士院熙靖固拒因憂憤廢食故人視其病相持啜泣索筆書王維百官何日再朝天之句而卒贈端明殿學士

胡唐老字俊明樞密副使宿曾孫崇甯間與弟世將同登進士歷南京國子博士知江陵縣召爲祕書省校書郎靖康元年擢殿中侍御史金人再犯京師唐老請對曰城危矣康王北使爲河北士民留不得進殆天意也請就拜大元帥召天下兵入援從之時朝廷趣西兵入衛不立帥唐老乞命范致虛爲宣撫使節制諸路以進不從後致虛以孤軍戰嶠澠間他路兵不至遂敗建炎三年知衢州苗傅以亂兵犯城唐老拒之會大雨電城上矢石俱發賊不

支解去以功擢閣修撰才幾知鎮江府兼浙西安撫使杜充陷
於金建康失守潰卒戚方等趨鎮江城壁積圯兵不滿千唐老度
力不敵因撫之亡何方欲犯臨安妄言赴行在請唐老部眾以行
唐老不從諭以逆順禍福方眾環脅之唐老怒罵遂遇害贈徽猷
閣直學士諡定愍

徐道明天慶觀道士爲管轄賜紫德祐元年元兵圍城道明謁郡
守姚訔曰事急矣君侯計將安出訔曰內無食外無援死守而已
道明還慨然告其徒曰姚公誓與城俱亡吾屬亦不失爲義士乃
取觀之文籍置石函藏坎中元兵屠城道明危坐焚香讀老子書
命之拜不顧以刃脇之不動遂遇害

莫謙之本宜興人爲郡城寺僧德祐元年糾義士捍禦鄉閭詔爲
溧陽尉元兵入城率兵巷戰死贈武功大夫同時有萬安僧亦起
兵舉義旂曰降魔嘗賦詩曰時危聊作將事定復爲僧亦戰死

胡應炎字煥卿宿八世孫父聰淮南節度計議官應炎咸淳中登
進士授溧水尉未赴元兵圍常州郡守姚訔署爲節度判官應炎
歸告聰及兄應發曰吾家世受國恩今戎馬在郊正立功圖報之
秋父老兄當奉以出避吾身許國不得復徇家矣聰應發並曰圖
報之義父子兄弟同之豈容臨難苟免乎乃命弟應登侍母出城
以存其宗應炎選士三千自將登城益樹木柵調粟繕械爲守禦
計乘間與諸將分門出戰各累大捷功上進直祕閣後成宿嘗死

歷次率兵屯單至少學前罷潰京捕元帥陽者諺曰老魯管多
殺吾將校者耶應炎曰吾欲殺汝恨力不及耳唆都怒腰斬之時
年二十七兵入屠城聰應發俱遇害

包圭晉陵人性沈毅有籌畧姚訔以便宜推擇知武進縣元兵圍
急城中食且盡與訔等勵兵堅守城陷猶歛兵巷戰被執不屈死
霍超龍字昇霄吏部侍郎端友六世孫弱冠成進士授翰林院待
詔理宗喜其年少俊雅勅建早科坊以榮之是時賈似道行買公
田法超龍在差中稱病不行拂似道意欲置之法科道交章救免
度宗立覃恩授都給事咸淳十年似道以天子儀仗葬其母超龍
上疏論之似道怒置超龍於獄德祐元年似道貶死超龍得原職

釋歸值元兵屠常城超龍與妻及次子熾并宗族男婦數十人皆與難時年四十長子從師他邑得免

謝唐民字文熙咸淳中以茂才登宏詞科授儒學教授國子學錄德祐元年元兵至闔門三十人自焚死

周總字熙文弟綺字簡文世居東鄉德祐元年元兵屠常州時文天祥爲浙西江東制置使知平江總與綺往乞師命從將尹玉等還救戰於五牧東湖蕩之沙灘皆死之糧盡援絕全軍無一生降者同死之嚴氏兄弟五人丁大漢謀勇尤著

元

帝嘉納之二十三年拜治書侍御史以論宦者保布哈託驢姦狀忤太子出爲甘肅行省參知政事召拜國子祭酒遷樞密副使累疏言軍政利害不報辭職除翰林學士遂拜中書參知政事時天下亂已甚而祖仁性剛直與時宰議論數不合仍還翰林學士尋遷太常禮儀院使二十七年明兵取山東朝廷方疑庫庫特穆爾有不臣之心專立撫軍院總兵馬以備之祖仁伏闕上書言庫庫特穆爾已窮蹙南軍突至勢將不利宗社宜審其強弱輕重改弦更張不報又上書皇太子言近日降詔削河南兵馬之權此軍爲南軍所忌苟善用之豈無所助况庫庫特穆爾屢上書其心未絕

於朝廷不可使數萬之師棄置一方亦不報二十八年明兵進壓
近郊帝命太常官屬載太廟神主從皇太子北行祖仁等奏曰天
子有大事出則載主以行從皇太子非禮也帝然之還守太廟俄
而帝北奔祖仁守神主不果從八月二日京城破將出健德門爲
亂兵所害祖仁貌陋眇一目身短負氣節議論偉然於天文地理
兵律百家皆通其要爲文簡質詩清麗

陶堯佐至正間紅巾賊陷常州驅州民攻京口不從者殺之堯佐
爲賊所執且欲併驅其諸父昆弟以行堯佐厚賂之以一人脫眾
人從至丹陽聞官軍鼓譟卽倒戈刺賊渠墜馬因被害

明